

Kapitali 1. AALLAQQAASIUT

Nunatsinni Nakorsaaneq Naalakkersuisoqarfinni pisortatulli, aqqissuussaannikkut toqqaannartumik peqqisutsimut Naalakkersuisumut attaveqartuuvoq.

Peqqinnissaqarfiup Nunatsinnilu Nakorsaaneqarfiup imminnut attuumassuteqannginnerat, taama inissisimanikkut erseqqissarneqarpoq.

*Nunatsinni Nakorsaaneqarfiup inatsisitigut toqqammavigisaa **Peqqinnissaqarfiup aqunneqarnera, aqqissuussaanaera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaat nr. 27, 18. november 2010-meersumiippoq.***

§ 7. Peqqinnissamik sullissinermut tunngasut pillugit Naalakkersuisunut oqartussaasunullu allanut siunnersuisarlunilu allatigut ikiuuttartussamik, Naalakkersuisut Nunatta Nakorsaaneqarfianik pilersitsissapput. Imm. 2. Nunatta Nakorsaaneqarfiata Naalakkersuisut peqqinnikkut inissisimanermik sianiginninnerannik ikiussavai.

Imm. 3. Nunatta Nakorsaaneqarfia peqqinnissamut tunngasutigut inuit peqqinnissaqarfiup iluani sulinerannik aamma tarnip pissusaanik ilisimasallit peqqinnissaqarfiup iluani sulinerannik nakkutilliissaaq. Imm. 4. Nunatta Nakorsaaneqarfia peqqinnissaqarfiup iluani sullissivinni peqqinnissamut tunngasutigut sulinerannik nakkutilliissaaq.

§ 8. Nunatta Nakorsaaneqarfia peqqinnissaqarfimmi unioqutitsisoqarsimaneranik amigaateqartoqarneraniluunniit paasisaqaruni oqartussaasunut pineqartunut pisariaqartitsineq naapertorlugu ilisimatitsissaaq. Aammattaaq peqqinnissamut tunngatillugu immikkut pisariaqartoqalersillugu Nunatta Nakorsaaneqarfianut tamanut ammasumik paasissutissiisassaaq.

§ 9. Nunatta Nakorsaaneqarfiata sulinera pillugu malittarisassat sukumiinerusut Naalakkersuisut aalajangersassavaat.

Imm. 2. Naalakkersuisut malittarisassanik aalajangersaasinnaapput, Nunatta Nakorsaaneqarfiata peqqinnissamut tunngasutigut sullissisut peqqinnissaqarfiup avataani pisortat oqartussaaffiini namminersortunilu sulinerannik, aamma tarnip pissusaanik ilisimasallit peqqinnissaqarfiup avataani pisortat oqartussaaffiini namminersortunilu sulinerannik nakkutilliinissaanik.

Imm. 3. Naalakkersuisut malittarisassanik aalajangersaasinnaapput, Nunatta Nakorsaaneqarfiata peqqinnissaqarfiup avataani pisortat oqartussaaffiini namminersortunilu pissutsinut peqqinnissamut tunngasunut, aamma peqqinnissaqarfiup avataani pisortat oqartussaaffiini namminersortunilu tarnip pissusaanik ilisimasallit atuunnerannut pissutsinut nakkutilliinissaanik.

Imm. 4. Naalakkersuisut malittarisassanik aalajangersaasinnaapput, Nunatta Nakorsaaneqarfia § 3-mi, imm. 1-imi aamma imm. 2-mi inuit taaneqartut, Peqqinnissaqarfiup sullissinermut tunngasutigut pissusissanik malinnilluarnissamut ataatsimiititaliaata avataaniittut aamma peqqinnissaqarfimmi sulisut allat katsorsaaneermi peqataasut pillugit napparsimasut naammagittaalliuutaannik suliaqarnermi aalajangiisassasooq.

§ 10. Inuit aamma sullissiviit § 7-imi aamma 9-mi taaneqartut pisussaaffeqarput Nunatta Nakorsaaneqarfiata qinnuteqarnera naapertorlugu paasissutissanik tamanik nakkutilliinerup ingerlanneqarnissaanut pisariaqartinneqartunik tunniussinissaminnut.

Imm. 2. Inuit § 9-mi, imm. 4-mi taaneqartut aammattaaq pisussaaffeqarput Nunatta Nakorsaaneqarfiata qinnuteqarnera naapertorlugu paasissutissat suugaluartulluunniit, tassunga ilanngullugit nalunaarsuinermi allattuiffiit, naammagittaalliuutinik suliaqarnermut atorneqartussat Nunatta Nakorsaaneqarfianut nalunaartigissallugit.

Imm. 3. Nunatta Nakorsaaneqarfia eqqartuussinikkut aalajangiinertaqanngitsumik, aamma inatsisitigut naapertuuttumik uppernarsaammik takutitsinikkut kalerreeqqaarani sullissivinnik § 7-imi, imm. 4-mi, aamma § 9-mi, imm. 3-mi taaneqartunik nakkutilliinnaatitaavoq.

Peqqinnissakkut Nakkutilliisoqarfiup (Maanna Nunatsinni Nakorsaaneqarfiup) sulinera pillugu Kalaallit Nunaanni Namminersornerullutik Oqartussat nalunaarutaanni nr. 1, 4. januar 1996-imeersumi suliassat aalajangersaavigineqarsimapput.

Peqqinnissakkut Nakkutilliisoqarfiup suliassaqarfii:

- Peqqinnissamut tunngatillugu apeqqutini Naalakkersuisunut pisortaqaqfinnullu allanut siunnersuineq allatigullu ikiorsiineq.
- Peqqinnissamut tunngatillugu iliuuserineqartut amigaateqarnerisa maluginiarneqarnissaannik sulisuteqarneq pitsaanngorsaataasinnaasunullu siunnersuuteqarneq.
- Peqqissutsimut tunngasut immikkut ittut pisariaqartitsippata pisortanik ilisimatitsineq.
- Peqqinnissakkut sullissisunut ilitsersuusiorneq.
- Peqqinnissakkut sullissisunik paaqqinnittarfinnullu nakkutilliineq.

- Napparsimasut Maalaarutaannik Aalajangiisartut suliassaannik piareersaaneq.
- Kalaallit Nunaanni peqqissasutut sulisinnaantitaanermut uppersaasiorneq.
- Pinerluttoqarsimatillugu nakorsat misissuisarnerannut, inuttut atugarisat peqqissutsimut sunniutaannut, avatangiisinut eqqiluisaarnermullu tunngasut.
- Nunatsinni Nakorsaanerup suliassai allat tassaapput nappaatit pillugit naatsorsueqqissaarnermi kitsist naapertorlugit innuttaasut peqqissusaannik nakkutilliineq, nappaatit tuniluuttut atugaanerat pillugu nalunaarusiorneq Nunatsinnilu Nakorsaaneqarfiup sulinera pillugu ukiumoortumik nassuiaasiorneq.
- Taamatutaaq nalinginnaasumik innuttaasut peqqissuunissaannut suliniutini pitsaaliuinermilu aqqis-suinermi Nunatsinni Nakorsaaneq peqataasarpoq.

Qallunaat Nunaanni peqqinnissaqarfik qanimut pissarsiviulluartumillu suleqatigineqarpoq, taamatutaaq Skandinaviami nunarsuarlu tamakkerlugu suleqatit qanimut attavigineqarlutik. 2016-imi Nunatsinni Nakorsaaneqarfiup sulinera pillugu nalunaarutip nutaap naammassineqarnissaa naatsorsuutigineqarpoq.

Paasissutissanik qaffasissumik pitsaassusilinnik pissarsisinnaaneq- piffissap aalajangersimasup ingerlanerani innuttaasut peqqissusaannik malittarinnissinnaanissamut naalagaaffinilu allani nunarsuarmilu tamarmi pissutsinut assersuussisinnaanissamut piumasaqaataavoq. Nalunaarsukkat tutsuiginartut, pisortat pisariaqartitanik misissueqqissaarnissaannut, politikikkut iliuusissatut siunniussanut pingaarnersiuillunilu tulleriarinermi kissaataasunik suliaqarnissami paasisaqarsinnaanissamut pinngitsoorneqarsinnaanngilluinnarput, taamaalillutillu Kalaallit Nunaanni peqqinnissaq pillugu pilersaarusiornermut ingerlatsinermullu qulakkerinisami tunngavissatut pingaaruteqarlutik.

Nunatsinni Nakorsaaneqarfimmi paasissutissat makku pigineqarput:

1) Inunngortut nalunaarsorsimaffiat, 2) toqusunut uppersaasiat, 3) naartuersittut naartusinnaajunnaarsillugillu suliarineqartut, 4) nappaatit tuniluuttut, (ass. sakiilluut tuberkulose, qaratsap ameraasaagut aseruuttoorneq, kinguaassiuutitigut nappaatit tuniluuttut, assigisaallu) 5) kræftimik nappaatit, 6) akiuussutissineqartut, 7) maalaarutit, 8) peqqissaasutut sulisinnaantitaanermut uppersaasiat, 9) innorluutillit, kiisalu 10) pinngitsaaliissummik iliuuseqarfigineqartut nalunaarsorneqarnerat.

Qallunaat Nunaanni peqqinnissakkut oqartussanik soorlu Statens Serum Instituttimik Sundhedsstyrelsimillu qanimut pissarsiviumillu suleqateqarneq, Nunatsinni Nakorsaaneqarfiup sulineranut pingaaruteqarpoq. Skandinaviami, nunani issittuni nunarsuarmilu tamarmi suleqatinik qanimut attaveqarnissaq pisariaqarpoq.

Nunatsinni Nakorsaaneqarfik aqqissuussaannikkut immikkut inissisimavoq 2014-imilu 5.052 mill. koruuninik aningaasartuutissaqarluni.

Ajornangikkaangat paasissutissat 2014-imeersut ataasiakkaallu 2015-imeersut misissueqqissaarnerni ilanngunneqartarput. 2014 sioqqullugu paasissutissat atorneqarpata, tamanna paasissutissat tutsuiginarsarneqareerneranni, suli Nunatsinni Nakorsaaneqarfimmut anngussimanninnerannik patsiseqarpoq. Ataasiakkaani paasissutissat suli tutsuiginarsarlugit naammassineqanngitsut atorneqarput. Tamanna titartaganngorlugu takussutissiat tabellilluunniit ataanni nalunaarsimasarpoq.

2014-mi atorfeqartut:

Nunatsinni Nakorsaaneq Flemming Kleist Stenz
 Allaffissornermi fuldmægtigi Tania Dyreborg Broberg
 Peqqissaasoq, MPH, Turid Bjarnason Skifte
 Immikkut ilisimasalittut siunnersorti Gorm Nørgaard Pedersen
 Peqqissaasutut siunnersorti Thomas Rendal
 Qarasaasiakkut paasissutissanik suliaqarnermi ikiorti Majken Gundtoft

NAKKUTILLIINERMUT ATATILLUGU ANGALANERIT 2014:

2014-imi nakkutilliinermit atatillugu angalanermit Tasiilaq, Maniitsoq Sisimiullu tikinneqarput.